



Broj: 01/3-50-1-3-20/08
Sarajevo: 7.5. 2008. godine

Z A P I S N I K
20. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 7.5. 2008. godine

Sjednica je počela u 11 sati.

Sjednicom je predsjedavala predsjedavajuća Komisije Snježana Rajilić.

Sjednici su prisustvovali članovi Komisije: Mehmed Suljkanović, Slavko Jovičić, Jozo Križanović, Šemsudin Mehmedović, Salko Sokolović i Ekrem Ajanović.

Odsustvo su opravdali: Hadži Jovan Mitrović i Jerko Ivanković Lijanović

Sjednici je, također, prisustvovao Sabrija Šerifović, pomoćnik ministra vanjske trgovine i ekonomskih odnosa BiH.

Prije nego što se pristupilo glasanju o dnevnom redu, Jozo Križanović rekao je da prije sjednice Doma ima mnogo obaveza. Iz tih razloga, istakao je, ubuduće neće prisustvovati sjednicama Komisije ukoliko su zakazane iste dan kada i sjednice Doma.

Za sjednicu Komisije predložen je i jednoglasno usvojen sljedeći

D N E V N I R E D

1. Razmatranje Prijedloga zakona o zaštiti domaće proizvodnje u okviru Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006), predlagač: poslanik Jerko Ivanković Lijanović, radi dostavljanja Mišljenja Predstavničkom domu na osnovu člana 104. Poslovnika,
2. Tekuća pitanja - međunarodne aktivnosti, upit članovima Komisije u vezi sa zaključkom sa 19. sjednice.

Ad.1. Razmatranje Prijedloga zakona o zaštiti domaće proizvodnje u okviru Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006), predlagač: poslanik Jerko Ivanković Lijanović, radi dostavljanja Mišljenja Predstavničkom domu na osnovu člana 104. Poslovnika

Poslanik Jerko Ivanković Lijanović uputio je, 24.4.2008., Prijedlog zakona o zaštiti domaće proizvodnje u okviru Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006), sa zahtjevom za razmatranje po hitnom postupku, u skladu s članom 127. Poslovnika Predstavničkog doma.

Predstavnički dom, na 28. sjednici, održanoj 29. aprila 2008., nije prihvatio zahtjev za razmatranje Prijedloga zakona po hitnom postupku i odlučio da Prijedlog zakona razmatra po skraćenom postupku, u skladu s članom 126. Poslovnika Predstavničkog doma.

Predsjedavajuća Komisije Snježana Rajilić naglasila je da je predlagač Prijedloga zakona Jerko Ivanković Lijanović saglasan da Komisija bez njegovog prisustva razmatra principe Prijedloga zakona.

U raspravi su učestvovali: Sabrija Šerifović, Slavko Jovičić, Mehmed Suljkanović, Jozo Križanović i Snježana Rajilić.

Sabrija Šerifović smatra da se ovim prijedlogom zakona krše odredbe Sporazuma o izmjeni i pristupanju Centralnoevropskom sporazumu o slobodnoj trgovini (CEFTA 2006). Mišljenja je da je Prijedlog zakona suvišan. Član 23. Sporazuma predviđa opće zaštitne mjere domaće proizvodnje dok član 23. bis govori o odgovarajućim mjerama u slučaju ozbiljnih poremećaja na tržištu.

Slavko Jovičić rekao je da se postavlja pitanje zašto u parlamentarnu proceduru ulaze zakoni koji nemaju ni osnove ni koristi.

Mehmed Suljkanović kazao je da bi trebalo podržati principe Prijedloga zakona, a raspravu održati u drugoj fazi, kada se budu ulagali i amandmani.

Jozo Križanović rekao je da niko od članova Komisije nije za to da se usvoji Zakon koji je u koliziji s jednim međunarodnim aktom. Smatra da bi možda bilo moguće donijeti podzakonske akte koji predstavljaju dodatne zaštitne mjere domaće proizvodnje. Stoga je predložio da se izjašnjanje o principima Prijedloga zakona odgode za sljedeći put, a da u međuvremenu pomoćnik ministra vanjske trgovine i ekonomskih odnosa BiH Sabrija Šerifović izvrši analizu da li je moguće donijeti podzakonske akte umjesto zakona.

Snježana Rajilić napomenula je da se, u skladu s članom 126. Poslovnika Doma, svi rokovi iz redovnog zakonodavnog postupka skraćuju na pola, te da više nema dovoljno vremena da se Domu dostavi Mišljenje o principima Prijedloga zakona. Postoji mogućnost da se nakon izjašnjanja Doma o principima organizira javna rasprava kao i da se razgovara s predstavnicima Vanjskotrgovinske komore BiH.

Nakon provedene rasprave, u skladu s članom 104. Poslovnika Predstavničkog doma, Komisija za vanjsku trgovinu i carine je većinom glasova (sa pet glasova "za" i dva „suzdržana“ glasa) podržala principe predloženog zakona.

Ad.2. Tekuća pitanja - međunarodne aktivnosti, upit članovima Komisije u vezi sa zaključkom sa 19. sjednice

U skladu sa zaključkom sa 19. sjednice Komisije, održane 23. aprila 2008., kojim se zadužuje sekretar Komisije da, u saradnji sa Sektorom za međunarodne odnose i protokol, uskladi termine planiranih posjeta zemljama potpisnicama Sporazuma CEFTA 2006., članovima Komisije podijeljeni su upiti kako bi se mogli izjasniti koju bi od planiranih zemalja željeli posjetiti.

Sjednica je završena u 12 sati.

Sekretar Komisije
Emira Češljar

Predsjedavajuća Komisije
Snježana Rajilić